

F712.7
1

閩產錄異卷三目錄

木屬

松附松明脂

水松

羅漢松雀舌羅漢

絡栢附栢側

檜

溪檜附油

刺檜

杉飛杉插杉油

楠黃楠石楠

附

梓附椿

槐附洋槐

桂附木

檉黃杉

檫

榕

水榕附湯

猴鹽

雪天

白布沙紅布

梭欄附

杜樅

漆附點樹文

沙棠木附花

黃櫨

山棉附銀樹白

杜樅

杜樅

甜茶樹附木

赤皮

茶

黃連茶

椽

標谷

斑

柯附海

雞籌

鹿日

金青

黃場附

灣



櫛石櫛 甜櫛 苦櫛 杭附 檣附 樟清樟 烏樟 黃樟 紅樟 臭樟 椒

檉附 櫬 榆附 擢附 柞 檉 樺附 馬牙

欐附 碧 山核桃 相思木 金鷲木 蕭朗木

蘇木 棗木附 紫紅 梨梨 白梨 水冬 瓜 香木土 沈香 紅

木 瓢木 爛心木 棟柳 溪杉 沙柳附 黃

輓霧 木槌 墊理附 洪木 羅 枳椇 桃柳 南祝

黃杜附 車 龍角樹附 雞樹 白樹 黃樹 莎蘿樹 婆

羅樹 鳥不泊樹附 南香 江 林投樹附 林 椰樹附 椰

椰子 椰酒 金荆附 赤鱗 厚 碧桐 荏桐附 白桐

刺桐 羊杓子 拇筍 鐵榎附鐵樹 綠珊瑚

肥豬附皂荚 火燄 木蓮附石蓮 陰沈木 青剛

榲桲 楓附棟 欖 柘

竹屬

甜竹 苦竹附苦伏竹 菜竹附折筍 柴杆竹附油菴竹

淡竹 筍絲竹附筍絲 勒竹 荷竹附赤竹 赤規竹

朱竹附丹竹 方竹 貓竹附冬筍 緇竹附半筍 千歲竹附筠竹

桃枝竹附桃枝竹 含朶竹 黃竹附石竹 油竹

研竹附紫竹 筋竹附器竹 江南竹附旗竹 蝨竹 人

面竹

金絲竹

附玳桃枝竹

鳳尾竹

附錦邊竹

篔簹竹

蘆竹

附箬葉竹

長壽竹

附毛竹如竹

黃蠟竹

附烏步竹瀟湘竹

筆

竹

慈竹

觀音竹

附金竹

白鰾竹

附斑鰾竹眉竹

白

籜竹

箬竹

紫竹

沈竹

附火竹

墨竹

附琴絃竹化竹

草竹

大燒筍

空涵竹

龜背竹

附倒挂竹

鶴膝竹

附箭竹

定光杖竹

附實竹蕩竹

釣絲竹

粉竹

雷峯竹

萋

竹嘉竹

附虎脊竹

篁竹

附筍奇

篋竹

龍公竹

葫

蘆竹

麻竹

附雪竹

黃竹

蓋竹

斑竹

秋竹

越王竹

藤屬

紫金藤

附千金藤

丁公藤

清風藤

含春藤

烏理

藤

附降真香

金剛藤

薛荔藤

王孫藤

附雞翁藤

整藤

釣鈞藤

附白斷藤紫荊藤

左纏藤

李郎藤

附蛇蒲藤

香

藤

感藤

水藤

附魁藤彭安

野藤

閩產錄異卷三

侯官郭柏蒼葉秋輯

木屬

松 各屬皆產爨用有短鬚長鬚之別透油者為松明
庭燎用之溢出者為松脂閩松不生明蠟不結琥珀
長泰縣朝天嶺之天成洞一松生石上不上而培天
啓末楊方伯鵬遙築新城於泉上建精舍遊人始有
至者蓋已不知幾百年矣

水松 各屬皆產南方草木狀水松葉似檜而細長蒼

按田家植以衛隄以分界其餘榦擁腫上聳如孤樹葉則瑣細秀茂根沒水中不朽戴叔倫詩水砌長杉列是也

羅漢松 老榦蒼鬱葉如雀舌叢聚成朵年久結果如羅漢趺坐其樹即枯不結果者名雀舌羅漢福州花師盤盤約束製為盆景其樹難大僅見建郡學齋一株

栢

栢 各屬多產甘木栢也而枝似刺檜條條結聚青華下奕建郡城外光孝寺殿前二株合抱光緒壬午

土產惟結柏側柏二種
皆從北方運北

杉一名乾青一一座者種以檜以油勝

檜一名一一座者種以檜以油勝

檜一名一一座者種以檜以油勝

檜一名一一座者種以檜以油勝

檜一名一一座者種以檜以油勝

杉一名站一名沙一名檜一名呼杉福州與龍巖

產者不及延建延建不及汀州汀屬七縣產者以富

化為最杉木多年在麻汕調若清流永保里

...

者次之

秦嶺縣北之山多產杉木其木蒼遊山麓插多生南者杉多生北者

大至數圍

南平之插湖板有四十一株成豐乎亥起蓋福州尺廬司也尾大二尺因中涉

訟故木

高至十餘丈連望蕪蕪綠持相似福州土

著村婦之連蕪蕪有刺冬不凋其實如楓有赤白

二種赤者堅而多油白者鬆而近燥八閩通志生女

課種百餘本中梁棟其女及筭藉為奩資焉蒼隨先

大人往汀州學齋漫山皆杉木有曰飛杉者杉子飛

入巖阿着石倚淵其生也難得石髓故綠絲皆透油

如松脂呼曰油杉色赤而堅次曰插杉擇曠而種之

力深厚其生也易樹直而少紋色白而燥閒亦有帶
赤色者謂之挂油極大者用以造溪船海舶有爵子
斑者有野雉斑者其價更翔凡大材計值者論尾尾
者計此木作棟成梁鋸船料為棺柩用若干長其尾
可得若干大也入土者名槩槩懷於土也棺槨之柶
頭宜之柶頭或用梁槩梁槩者大木為梁去其近土
之擁腫也凡相材木者須防雙心有合抱之木一心
在中一心在旁相距數尺者雷緣木而起雙心之木
久亦必擊雷震宮殿多是故也道光閒車弩境雷擊

棺樞蒼所目見又須審視其紋紋圓如環者謂之毛

讀毛上平聲

毛者木少時癭瘤向内生也否則木中有石

鄉村廬墓表樹少時鑿孔置石其中子孫破敗粥以欺人飛杉插杉計株鬻於木商裝排下省小者曰十三底其排底箴束十三株也十一底九底七底則遞大矣短而肥者名筒宜鋸板曰文二筒文四筒文八筒越二丈者為長尾梁棟船料棺材搭於排面運省時用者曰連段曰一比曰雙一比曰架柴搭架用曰桶把桶石用曰排梢蒼在延郡見順昌仁壽洋墩材木之

美次於汀州出良華山者尤佳凡木商入山其得失甚重若首次做山於木中遇都則全山之木多中虛都者木中怪也人都似人形鳥都似鳥形豬都似豬形三都之害豬都為甚蓋木魁之成形而未現相者祝穆輿地紀勝長汀造治之初凡斫大樹千餘皆山都所居有三種居其下者曰豬都居其中者曰人都居其高者曰鳥都即如人形而卑小男子婦人自為配偶豬都皆身如豬鳥都人首能人言聞其聲不見其形人都或時見形當伐木時有術者周元太能禹

步為厲術以左右赤索圍木而斫之樹仆剖其中三
都皆不能化執而煮之於鑊內嶺海異聞鹽商高氏
言伐薪清遠縣山中見一小孩奔走眾逐之入枯樹
中以火熨之出走死儼如人形惟脇下多兩翅耳此
即人都鳥都之類粵人貨汀州杉木之透油者為棺
柩美者二三百金未乾時揭之絲絲而起乘其未乾
敷以池泥入粵粵地潮溼用之相宜北方地燥以油
板作柩生白蟲黑口傷骨殖宦閩者病故多覓蜀中
之沙木以殯閩中所產黃檜其紋理似沙木惟重於

沙木能受溼氣每片極大者值三千文土人鋸為略
約俗呼黃柴以為棺柩令屍首黝黑或以梧桐質沙
木諺曰梧桐大如斗主人便須走言質鬆易折也此

數者不可不辨蒼厯見大官巨族以數百金購椽杉
黃柴梧桐為殯斂幕友家丁和同分潤椽杉即椽柴
其掏山者有苦油作器五十年其油始乾若見漆則
百年不乾入土生蟲又有楠柴與楠木異亦易蛀送
死者慎之閩杉木作柩堅緻宜舟車入土經久不壞
惟出水須四五年溼氣方盡凡材木帶溼入土生白

蟲黑口齧人骨殖

閩人施棺者恆令匠人備造計部論值一手扛埋取其便易殊不知

若輩以溼木抵塞致骨殖生蟲蒼見丐極堅叢塚中豕嘔之血內淨盡骨有白蟲是欲布陰功反成罪障

凡材木及椽頭須防雙心雙心者雷必擊古人以梓

為木王植於林諸木皆內拱造屋有此木則羣材皆

不震其說恐不然棺中苓蔞即左傳所謂楸柎尤須

乾淨分枝之木其櫛目有強弱存不均勿用杉木

鋸時帶皮置溪澗中使其心孔被水溜淨謂之溜溪

其苦乳或在水心或在水外其苦乳氣溜之則由裏

達表方能淨盡越過此始知其苦乳已滯故

凡產杉之山必須之水若用人力
已凝其木帶黃赤謂之山言從
拘山之木用為樑棟必山曰蟻
心有苦乳也蛀其皮裏者以皮
裏有苦乳也蛀心者不蛀皮蛀
皮者不蛀心苦乳盡蟻自去惟
接筍之處經蛀則無可作為拘
山之杉不宜棺樞所謂苦乳非
真油也真油不蠹聞人求棺材
者重全部上下左右株頭六塊
一根木也蓋氣同則無強弱難
朽速朽之病先君先母棺材從
連城做山十二片一木也其木

以紋理數之一百八十九年

楠 卽柟又作柟羣芳譜柟生南方故又作楠延建郡
汀皆產之其樹端正高者六七丈大五六圍氣甚芬
芳紋理細緻花黃赤色不宜梁棟鬪筍處受溼卽蛀
蒼在建郡起蓋天后宮有大楠二十株其價賤於杉
木眾欲送之蒼曰楠大於杉何故而賤乃止咸豐辛
亥八月初一祭丁福州 文廟不戒於火今頭門數
柱用番木其質堅實入水卽沈將來鬪筍必先朽蠹
楠木之黃色者呼黃楠紋理尤煥凡楠生潭下者獵

火不及無鉛藥之癥作器光潔迥異記黃金山有栴
樹一年東邊榮西邊枯後年西邊榮東邊枯年年如
此張華云交讓樹也蒼按閩省所產楠端正葱鬱並
無交讓之說石楠生石上葉如枇杷有刺楸似楠而
不香質堅於楠製器為良近蕩盡矣

梓 福州福甯興化有產者其種不一又與楸無辨李
時珍謂有三種木理白者為梓赤者為楸梓梓之美
文者為椅古稱梓為木王殆以書以梓材命名禮以
梓人名匠耳閩中則統伐為炭同治間蒼從都下移

楸種枕石草堂以為異於閩中今成林矣與閩產同
凡楸梓宜平地移植山上者皆枯

椿 各屬多產香者名椿其葉可入蔬葉臭者名樛荒
年采取淪熟食詩采茶薪樛二木形幹相類椿木實
而葉香樛木疏而葉臭無花木身大而幹端直者為
椿幹多迂矮者為樛羣芳譜樛有花者無莢有莢者
無花蒼按樛有花有莢

槐

閩中槐有白槐

玉尺山舊有白槐一株輪圍而黃
中蛀蒼入居又植三樹以聽蟬

槐二種道光初吳方伯榮光從粵東移洋槐植鳳池

書院長年開黃花今閩中處處傳種

桂 一似此 亦有名齒木犀俱詳花屬二木各屬多

產延 汀 燕 多

檉 山 只 少 產 葉 細 而 枝 柔 夏 有 花 粉 紅 如 粟 或 呼 西

河柳有 白二色白者福甯人鋸而推之以為甌其

用甚廣黃土 只 又名黃柴互見上杉條下

檫 即山檫各屬多產葉似榭爾雅釋木謂之柎柳福

州以為屐齒梓人以此偽紅梨刻書易蛀須辨之

榕 或作橐言其蟻蟻膠結不中梓人也福州特盛雄

者鬚垂地復成樹冶山舊有古榕傳為漢時物

相傳
老榕

其上有
奇楠香

其幹淡白枝葉亦蕭疎道光初風折而枯其

木爨不生焰諺云榕不過劍離延平四十里之沙溪

口有二榕旋死旋生相傳樹神託生作宦是不過劍

之說又不然矣其子少著物即縈繫或本幹自相依

附或虬結他樹或挾石而高水旱不傷屢斫屢榮

水榕 產甯福葉長於榕子如豆折其枝葉滴滴若人

乳鳥糞所遺輪囷難剪近水尤茂溪橋確屋數株成

林青苔如被別成畫意簾湯樹葉如水榕但子大

而色微紅俗以色似糝粳故名其木可造船產同加
條葉麤可錯角骨木石俗呼菠葉

猴鹽 爨木也樹不甚高葉似番石榴葉下有數點如
珠其味鹹即鹽也猴取其鹽調黃土傅猴薑藏於山
窖山民做之以黃土和鹽作菜脯

雪突 樹高二丈許葉如枇杷而不光潤手足風疾煎
湯洗極驗惟流火等風內服涼劑者不宜

白布沙 叢生幹小而高葉如槐其花其根炖糖霜治
肺熱咯血極驗其樹經霜則枝上萎清明後下半復

榮遇雪多枯蒼累種皆不越四五年紅布沙不入藥
以上六種皆產福州

梭櫚 即枳櫚年剝梭片兩次

邵屬乎
梭毛

其木可作簞槓

其心土人炖肉云瀉心火臺產興化葉似梭可為笠

漆 葉小產清風嶺者氣薄調朱最亮故延平多漆器

詳貨屬文點樹葉似廟社之文點其乳可磨金油

沙棠木 似梧桐中空花梨木質堅色青紫宜製器用

黃櫨葉圓本黃可染黃產建屬邵屬

山棉 產漳州色黃白畧似杉可為棟宇白銀樹皮可

染皂亦可製香產同

杜樅 亦名杜松福州福甯皆產之古田尤多志稱樅

木云葉似側柏

按杜樅葉不似側柏字書無樅字

按杜樅葉似羅漢

松一脊平分左右皆葉葉尖如刺鳥不能棲樹若等高根若等深近水有大至五六十圍者其貫於枝末而生者曰杜樅梨子似松實而長三倍樹不可爨得全其天年道光閒西禪寺山麓有孤聳者以其地易於出水僧粥為海舶桅杆值二三百金植為墓林不生

生覬覦

甜茶樹 木堅可作器貯水經久不變洋船用之又九

曾木或呼狗曾葉如柯有文理其堅如石可作柁又

赤皮其木堅韌亦可為舟為器皆產泉漳

茶

樹高三四尺

羣芳譜出巴山峽川有高數丈者有兩人合抱者按偽閩甘露堂前兩株

茶鬱茂娑娑宮人呼為清人樹每春初嬾媾戲摘新芽堂中設傾筐會據此則閩之茶樹亦有成林者

葉如梔子花白色似薔薇而黃心其樹難大詳貨屬

黃連茶 即涼茶樹性冷味苦產福州高二三文葉似

白槐取其芽以代茗飲亦可為茹

椽 各屬多產蓋屋易朽山人入雜木中焚為硬炭

標下大上小四時常青產沙縣村人於立春日摘其
枝葉插於門前謂之春葉

谷出光澤縣其種二有斑花紋者謂之斑谷無花枝
者但取其葉似葡萄葉作瓣而有子者佳蒼在光澤
縣駭其名檢舊志知其即株也集韻株音殊株梗木
名可為車輞後至汀州見大者合抱作柱不腐呼為
株乃知谷株一木二名

柯山邑多產其紋疏如粳堅而韌為船為斧柄詩執
柯以伐柯又海柯生漳州海泥中其筴與葉可救荒

樹小不堪作器

雞籌 木堅葉細其樹難大植盆中為玩或呼瓜子松

鹿目 福州及西四郡皆產之木極堅韌其分柯處紋

如鹿目故名他書作鹿木其樹難大酉陽雜俎武陵

郡北有鹿木二株馬伏波所種木多節

金青 山邑有產者木直出而極堅重取為杖以繩挂

壁間不曲不折硬木中之最貴重者

黃楊 木皆直紋獨黃楊橫紋故堅韌難大福州以黃

楊為杞郡治明林先春有杞堂所植是也蒼同匠人

往驗呼為黃楊且曰黃楊橫紋難大近有臺灣柳木
理亦淡黃可偽黃楊後蒼以臺灣柳製漢尺不數月
即微卷因思黃楊臺灣柳皆柳屬其質宜鬆何以皆
極堅韌後閱嚴氏詩緝詩有三杞鄭風無折我樹杞
柳屬也小雅南山有杞在彼杞櫟山木也集于苞杞
言采其杞濕有杞棗枸杞也據此則杞柳屬稱之黃
楊可矣惟南山有杞之杞乃山木非黃楊是有杞堂
之杞乃山木非黃楊也又按諸書皆云黃楊木理細
膩枝幹繁多性極堅緻難長歲長一寸閏年反縮一

寸謂之厄閨蒼游有杞堂前後四十九年測其所長不盈尺蓋有杞堂所植乃黃楊誤稱有杞或云能避火取用必於陰晦夜無星伐之乃不裂蒼游清流縣東八十里之黃楊巖其山傳多黃楊故名近如杯大者且難得福州興化延平汀州產者尤小

櫛 福州及西四郡皆產本草櫛木處處山谷有之大

者數抱高二三文葉長大如栗葉又云凌冬不凋邵武建甯兩縣以其子為果品曰櫛子按櫛有三種石櫛其樹高大子形圓而尖可充果品苦櫛有極高大

者木堅可為棟梁以作柱礎難腐其子小如石榴味
苦蒸熟作糕食甜櫛樹亦高大可為椽其子比苦櫛
尤小味甘亦可充果品磨之作凍尤佳

栝子似櫛子而更堅可食爾雅栝魚毒注栝大木子

似栗生南方皮厚汁赤中藏卵果蒼按栝志多誤栝
韻會栝音桓子可食出蒼梧又栝玉篇木枝四布按

本草栝樹花黃色土人以其子久服明目通神俱產
連城藥其木與石榴無異子赤色皮黃其枝可染黃

樟或云即豫章閩諸郡皆產盤根鈎枝癭節輪囷擁

腫大者二三十圍其枝葉似榕有赤白二色其種有
清樟黃樟臭樟烏樟紅樟其質皆鬆以指爪掐之有
爪痕瞬息復合鋸板製器可辟蠹蟬但不經久其樹
老即漏脂暑日曝之發煙自焚久復自榮其子皆可
榨油清樟黃樟氣味嚴正造船製器平直臭樟味惡
烏樟紅樟紋理錯亂道光癸卯自浦城至清湖二百
一十里樟木皆枯詢之土人曰六月多西風也究之
數百年大樹一時忽槁亦非老人之所深悉按本草
豫章乃二木名一類二種也淮南子豫章二木生七

年乃可辨羣芳譜豫一名烏樟一名枕樟

枕字書無又

名釣樟今閩中無枕樟釣樟之名今漳州多樟亦出樟腦或曰漳州即以樟樹得名互見貨屬樟腦條下

椒

樹高四五尺木有針刺葉堅而滑山邑多產福城

定光塔頂一株歷數百年斧而復生鄉試年伐而禿之則解元出福州詳烏石山志

檜葉與椒相似

檜

按字書無檜字蒼在邵武泰甯見其樹高大葉似

棟其子呼象汁似苦櫛稍圓長磨作凍食邵屬各縣好食凍櫛子檜子蒟蒻之類多作凍食後檢郡志檜

讀如靚音

榆 各屬多產視為無用其種類甚多葉對出者為粉對出而不整者為榆統入雜木為炭其葉煮食滑澤以救荒空嵌處飛鼠穴之

櫛 木極耐久治鼻漏又溪梅或呼落烏柴俗呼綠柴高五六尺枝幹交森葉青子黑其皮可染綠染坊用之又槽葉似茶葉綠幹黃衣結實成房可榨為油木堅皆產羅源甯德

柞 興化汀邵產之詩維柞之枝其葉蓬蓬埤雅柞宜

山石柞宜山阜傳曰柞之性堅強而不為霜露之所
遷得土之正氣今人取以為梳材嚴氏詩輯曰新葉
將生故葉乃落附著甚固梁邵武人今邵屬此木為
多土名鑿子樹以其堅可為鑿柄也樹高丈餘五月
開碎白花嚼碎其花敷刀箭傷定痛止血甯化志大
柞木枝一尺洗淨大甘草五寸並寸折以新汲水三
升半入新沙瓶內紙三重緊封文武火煎至一升半
待孕婦腰痛欲坐草時溫飲一小盞便覺下開豁如
渴又飲一盞至三四盞下重便生更無諸苦切不可

坐草太早及坐婆妄為此妙方也蒼按本草柞木飲亦載此條福州人不識其樹故無用之者

檝 葉大而光似冬青可以放蠟煎汁為油可為燭產

汀州

樺 山邑多產皮可為燭亦可貼弓開花有小杓五葉

穀貴年多生一杓烏柏各屬多產外白脂作燭內黑

子榨油馬牙葉長大其木白似馬牙祭天燔柴用之

枰 產浦城建陽崇安壓其子即茶油碧桐子榨為油

白者良產甯福建屬

即下

枰油茶油德化永春安溪

為多互見貨屬

山核桃 產興化其木有紋理南方桃杏梨柿蘋果來禽核桃皆不及北產

相思木 即西廂木其樹堅而有文理子名相思子又名紅豆或呼紅豆樹閩書謂即文梓木延屬多產

金鷺木 產延平樹不大而堅不受斧削故名

蕭朗木 產臺灣大者數圍性極堅重入土千年不朽美材也

蘇木 產閩清時坪南方草木狀蘇枋出九真南人以

之染絳蒼按蘇木即枋凡輪囷大樹不可伐者削蘇木釘之即枯然有驗有不驗

株木 閩書結實似梨小而酸澀大者三圍木理細膩

堅緻視楠過之蒼按閩書所云株木乃山槁梨之生

山中者可以製器亦可刻書諸郡皆產有三種曰紅

梨曰白梨曰紫心梨紫心梨製器勝於白梨爾雅釋

木梨山槁疏在山曰槁人植曰梨又按槁即山梨左

思吳都賦橙柿棹棹尹伯奇採槁花以為食爾雅釋

木棕即來註材中車輞廣韻株棕木名亦作來本草

葉似柿兩葉相當子細圓如牛李子生青熟黑其木
堅重煮汁赤色槁文細而不堅株質堅而不細又水
冬瓜質鬆可刻字俱產山邑

香木

類沈香味較檀香尤烈產臺灣南路打狗山又

土沈香樹

開花五瓣白色結子黃如豆其根香

紅木

產上游各山邑俗呼紅柴又呼土紅以別番紅

也樹極難大葉如瓜子色紅而堅福州嫁女昔用番
紅木為櫥為椅近番紅已竭並紅木亦產不敵用矣
孤木 產古田屏南其實有二一蒂下如花開數出中

結如耳璫色俱黑一大如鴨卵圓而微扁必有一孔扣之可以節歌乃天生木音之樂器疑即古所謂樛樹

爛心木 產臺灣海東札記云每於雜木中拾得之木如蟲痕甚如溼漬腐朽追裂之堅異常揮斤有難色矣質油滑如塗膏睇之完蝕相錯洵製器美材俗呼爛心木究不審何許木也

棟柳 產臺灣幹直無枝其顛不過數十葉結穗在木端長門賦委參差以棟梁棟虛也

溪杉 產西四郡其木堅似紅木微有紋理製器方正
平直以蘇木沃而漆之仿若紅木

沙榔 又名榔香皮浸水滑如油婦人以澤髮產龍溪

沙藤 黃連 本小葉疏產同

靛霧 產臺灣最高二三大二三月開花四五月實大

如小杯蒂尖頭闊上帶紅色繁結纍纍一樹數千顆

木槌 葉似楸攪而小實可浣垢釋子取其子為手珠

本草謂之無患子俗呼墨園子產漳泉興化臺灣

墊理 或呼響西子如綠豆深紅色上有黑點邑人拾

以養銀羅漢木高聳不凋皆產邵屬

枳椇 或呼枳枸產邵武泰甯延平各縣木高三四丈
葉圓大如桑柘夏月開花枝頭結實如雞爪形長寸
許紐曲開作兩三歧儼若雞之足距嫩時青色經霜
乃黃嚼之味甘如蜜每開歧盡處結一二小子狀如
蔓荊子內有扁核赤色如酸棗仁形按枳椇八九月
熟其形如指味甜能解酒毒古今注枳椇子一名樹
蜜本草一名蜜核楸一名蜜屈律一名木蜜小雅南
山有枸是也曲禮婦人之贄椇榛脯脩相傳以其

為屋柱則一屋之酒皆薄

栳榔 福興泉漳臺澎皆產之蒼按其樹似椶櫚有節
葉亦如之大者四五圍高五六丈外堅中虛斫入數
寸內有粉赤黃色可為麩樹大者可得粉數斛其木
紫黑色有文理可以製器作鋤利如鐵惟中蕉根則
破五月子熟泉之土人即種埔尖名穀是歲子若多生
穀必有年蒼按水旱關天時人人知之豐歉關地氣
故栳榔熟而歲稔

南柷 三山志云南柷木冬夏常青取其葉搗碎漬米

為飯染飯成紺青之色日進一合可以延年益壽吳
越多有之今上巳青飯本此舊記任敦仙人取祝葉
染飯閩俗效之蒼按福州延建皆產葉柔而芳爾雅
祝州木髦柔英

黃杜 山邑多產木直難火色微黃其文理似柯而堅
則次於鹿木以為槳柄軍器又車樁其木條出而微
黃堅而膩農人削為木釘以轉水車

龍角樹 身有刺即干日吊雞皺樹皮細皺其葉匠人

取以澤物

蒼按各屬所產加條其葉可以
錯器福州呼波葉即龍角樹

黃目樹子

黃色取以浣衣白銀樹皮可染皂亦可為香皆產漳

州

莎蘿樹 產延平高丈餘幹直葉如天竹叢生於巔圓

覆如繖沙縣祭厲壇時植二株於壇前呼孤魂樹

娑羅樹 產臺灣中空四圍摺疊成圓形花紋斜結盤

曲如古木疑即通雅所載娑羅外國之交讓木也益

部方物畧記娑羅木生峨眉山中類枇杷數葩合房

春開葉在表花在中或言根不可徙按宋祁娑羅木

贊聚葩共房葉附花外根不得徙見偉斯世吳船錄

云木葉如海桐又似楊梅花紅白色春夏間開茅亭
客話花苞大如拳葉凡二十餘葉相踏捧苞類桐花
一簇三十餘朵經月方謝雲南志娑羅花在會城土
主廟其本類大理和山花佛日盛開其色白微帶黃
意異香芬馥非同凡花臭味中出一蕊如稗穗垂出
瓣中每朵十二瓣遇閏輒多一瓣相傳高僧以二念
珠入土一珠出樹不知大理所傳仙人遺種者又出
何典故且不獨和山有之也諸書所載異同如此
鳥不泊樹產邵屬樹不甚高生泉畔幹皮青而中空

有點如星作醬赤色凡病金鼠偷糞者去榦去皮燒

煙薰之立愈

江南香葉長產永福及西四郡

全紅者製香煉

林投樹

即蔴茶產臺灣皮似柃櫚直榦無枝長葉利

刺其木極堅花紋班駁可作檀板心空從根結稜絲

直貫至頂按林投樹葉青而長兩旁皆刺花似蘆荻

實類鳳梨熟則青黃擘之顆顆如金鈴土番啖之或

以線串貫纏額上為飾或摘其花以盤髻林投蔴即

林投實也有紅白二色治痢疾

椰樹 產臺灣樹高數丈直起無枝殼花黑而堅勁刺

陶齋錄異 卷三
以作瓢曰椰瓢其子曰椰子殼外有衣內在殼內色
白味如乳可釀酒中有水俗呼椰酒蒼按凡採椰子
以手搖之聽水聲清亮則心大而甜其肉厚聲濁則
否蓋椰心以水而養也但十椰五酸耳

金荆 各屬有產臺灣尤多閩中記木堅有文彩可為
牀榻器用江淹金荆頌金荆嘉樹含露宅仙按金荆
又名九芎作柱入土不朽互見藥屬又赤鱗赤色皮
有鱗質堅入土難朽又厚栗即猴栗性堅與交標木
俱堪梁棟皆產臺灣

碧桐 各郡神產其葉上青下白花似他木之嫩葉久
則漸厚漸長大與實即生於花葉之下形似男子乳
頭味甘淡微香莊子所云桐乳致巢是也

崔桐 即岡桐或呼白桐各屬多產葉圓而未尖二三

月開淡紅花亦有開紫花蒲子似番石榴去皮以其

仁榨油燃缸其皮煎為桐蔞得貨其木婦女以裹屨

梧桐葉有三歧子如胡椒可食又花葉不相見花不

結子樹可琴瑟者亦名白桐冬結似子者
乃明年花房

刺桐 產泉州郡志載溫陵城留從効重加板築植刺

桐環繞之其樹高大而枝葉蔚茂初夏開花極鮮紅如葉先萌而花後發主明年五穀豐熟今泉州號桐城又呼刺桐城興化有刺桐巷蒼按刺桐其木為材三四月時布葉繁密後有赤花生葉間泉州官廨書院處處植之八閩通志木類梧桐有刺

羊杭子 即山楂建屬呼為羊杭子亦呼香楂可榨油

燃缸爾雅杭槩梅註樹狀似梅子色赤似小柰可食梅筍 野生產福州樹高二三丈葉大如枇杷子黑不及七八尺即被山人砍伐煎為南焯互見貨屬

鐵楔 即鳳尾蕉其樹難大二三百年高僅盈丈葉連

生如鳳尾花黃色治脾疾相傳植之庭中可避火災

福州東街劉應元孝廉家二性宜鐵種時埋鐵其下

何鏡山云蕉影照日其中梗虛空若無梗然又鐵樹

閩書云葉紅而幹如鐵未詳

綠珊瑚 一名綠玉樹產臺灣槎枒交錯青葱籬落閒

別成景色亦異產也

肥豬 即肥皂筴其實大福州小兒懸悅新娘煖房必

用之或去其子取筴蒸透搗如丸以濯手皂筴小於

肥豬亦野生王霸在皂筴樹下蟬蛻而去今西禪寺

其地也

其樹多刺難上采時以
夜自落

椽

即皂斗秋結
實殼可染皂

火燄 產泉漳臺澎其樹枝上出枝有稜有刺其形畧

似瀟王鞭

霸王鞭
見草屬

閩山舊有一樹極高大蒼辛巳入

居斫之白乳滴滴然其木為琴櫃有音

木蓮 樹高二三文俗呼牛脮葉似枇杷夏開花白色

有紫縷結子如乳頭福州呼婦人之乳為脮木蓮子

有汁旋摘旋黑兒童取其子食之故呼牛脮蓋木蓮

牛脮音之譌也伶人取其木代檀板聲亦清亮按草

之薜荔花之芙蓉皆名木蓮雲南志木蓮花出大理

府境樹高大葉如枇杷花如蓮

酉陽雜俎木蓮花葉似辛夷花類蓮花

有青黃紅白四種又石蓮福州村人亦呼木蓮木蓮花九出石蓮花五出也

陰沈木 其木橫生土中偶於隴畔山麓積年未墾之

地得之色蒼黝葉小而疎尋其緒掘之狀曲如籠臂

箒手也諸書皆云製棺柩屍骸終古不朽惟巨者為難

道光丙午伯兄新甫教諭永定有農人得陰沈木不知何用村翁以十數錙易之

青剛 葉似枇杷三山志木極堅葉似石楠堪作鞍橋

榲桲 三山志味酸甘似橙子而大舊生北土今亦有

之按榲桲似榷梨之別種三山志似橙乃似榛之誤

楓 山邑皆產福州呼楸音橫鋸為墊板刀切物受板也棟高

三四丈大數尺葉似槐而長夏初開白花棟花開則

眾樹成陰故二十四番花信風到棟花而止

櫟 不高大葉有刺子似茱萸而香味辛如椒殺腥物

柘 叢生幹疎而直葉豐而厚圍而有尖亦可飼蠶以

其蠶絲製琴絃色黑勝於桑蠶絲呼為黑絃

竹屬

叫竹 其筍即甜筍大如管如笛一宿即黝二三月熟而市之

古竹 圖經曰出閩中者本極麤大不可食齊民要術

有青黃紫白四色謝靈運賦曰四苦齊味閩書筍苦而味佳按烏龍江產苦竹者以名其鄉大者即椎竹

詳下筠厚竅小上遊以其竹作紙又苦伏竹筍冬生掘

而食之味尤珍蒼按竹譜詳錄還味竹生福州以南春生筍煮食甚苦停久味還甘故名苦油竹八閩通

志肉厚而葉長闊以為槍中虎即斃福清興化烏白
旗及漳泉械鬪昔時無藥鉛恆劑而燬之傷人亦斃
以上四種福州及下游皆產

求竹 古田之水口呼麓竹枝長葉翠南平各地呼萊
竹以暑天出筍品特貴重微帶苦味經宿即黝不得
寄遠泉漳亦產又折筍出南平新興里高山上山下
有澗泉取筍浸之一夕色白味極佳

宋杆竹 產福州叢生幹高節長而堅實取竹瀝竹茹
者用之油籬竹小於紫杆竹亦叢生各屬以其篾為

筵以榨桐油故名閩部疏延福以南有竹叢生涉冬
抽萌慈竹類也而長刺雲大者拱把吳越慈竹迥出
其下淡竹肉薄節開有粉可取竹漚葉即淡竹葉入
藥以上三種延福以南為多

筍絲竹 產福州幹麤葉大其筍六月生肥茁重者八

九斤名六月麻以藥刀切片和鹽水泡之水酸即成

筍絲其甕再貯他物即生醖已貯鹹醃之甕貯筍絲

亦生醖出侯官溪源宮孤民樓者佳最佳者呼七寸

絨筍尾也

勒竹 卽刺竹又名笏竹卽澀勒產東四郡林諍閩中
記云中心堅塞枝幹相交蒼按勒竹枝繁幹密刺如
鷹爪屢剝屢生肇興新州舊無城以笏竹環值之雞
犬不能徑蘇軾詩倦看澀勒暗蠻村今臺陽村人雜
植屋外以禦盜長芒密距枝皆五出者正也一名篋
筭其材可衍楠篋可織皮可剝物或製佩以礪指甲
微滑則以酸漿漬之復澀故曰澀勒

荷竹 卽篁竹梢長節疎色蒼白葉大其幹圓整潔白
如白牙木產延屬將樂以為椅為几各縣取為篙竹

破絲織籃筐亦美其筍夏生味次萊筍按筆竹生沙
山中質堅土人呼防露赤竹產福州汀州以色名可
為箭大者亦可刺船南港多用之筍無毒永福溪
稱南港筍
譜云赤竹出閩中大者如椽堪作彈織箔扇也

赤規竹 產延屬穰厚以製竹紙

朱竹 產南平尤溪沙縣夫子亭雜錄閩有朱竹子嘗
寄書李中丞質君殷太學彥來求一枝作杖彥來云
舊惟古田縣一僧舍有之周櫟園侍郎求以為杖自
後官閩者競取之遂成故事僧苦之竟鏟去其種絕

矣 國朝周布政亮工劍津朱竹詩高情直與晚楓
鄰僂舞安知醉有長舊族傳為絳縣老孫枝近作赤
城人瀟湘淚盡終餘血淇澳花繁不是春曾在龍門
柯畔立支離更見爨中身亂擗桃花映客醅斜陽鶴
頂閒青蘿翻新競比紅兒曲裁蘧留吹赤帝歌酒醞
宜城光未定冠裁薛縣色全訛遙看嶺下欄斑處或
是秋深柏葉多又丹竹產上杭光澤似丹籟
方竹 小而有稜外稍方而內圓閩小紀東南之竹最
盛而閩中種類尤多奇形異狀產於深崖陰壑中者

不可勝紀然世人皆重方竹以規方竹杖為不韻似
皆以為異物閩汀之永定邵之泰甯皆產方竹子嘗
得數十枝笑謂友人如此賤植即令暫規數枝未便
不韻蒼遊山見產方竹者其四山皆方折方竹生於
低處可知諸竹皆因山形而生山僧以方竹煮茶夫
物不得所之故可勝道哉侯官壽山永福方廣巖皆
產方竹其筍秋末生硬不堪食

貓竹 或呼貓頭竹或呼貓兒竹其細者作紙葉最小
幹最高蒼遊福清靈石寺繞淵皆貓竹高四五丈視

仙霞嶺肥茁矣及遊武夷蕙苑巖則高五六丈山人以其節為汲桶風月雨雪無一不妙閩西四郡以此結筏玉堂漫筆衡山後生竹最大名南竹土人截取其筒以為甌本草竹有雌雄根上第一枝雙生者雌也乃有筍詢之山人其說皆同後蒼入居閩山移數根植之果然白露後發根下未出土之筍即冬筍不發亦終不出土春半出土者其筍曰半含冬清明穀雨重至六七斤名貓筍越小滿成竹矣貓筍不及棗筍而比於筴筍凡產竹之地其土多溼秋日燥烈竹

山雨過其水立屢竹以水為命也

千歲竹 花黃實似橄欖我眉山志所記千歲竹與此

不同筠竹初生竹粉可愛此畫家所不能着筆者竹粉有新意惟詩人得之以上二種永春德化為多

桃枝竹 桃或作純即木竹也一名羅竹又名靈壽竹

此乃竹之似木者或呼古散竹僧贊甯筍譜所稱節似馬鞭葉似桐樹而小皮似柎櫚柔韌者是也漳州福甯延平皆產之筍皮有毛蟲聚焉不宜食八閩通志桃枝竹叢生石間可為杖節間相去常四寸亦謂

之桃筮言可為筮又謂之蒲葵竹以其葉如梭也蒼
按八閩通志所釋桃枝竹乃梭竹閩園林處處有之
幹紫色不可以算數歲即結花如珠他書多謂竹結
花而死且主荒年閩竹多結花不死年亦不荒所云
桃枝竹幹長而少節福甯漳州析以為算臺灣所製
以石灰煮之行遠者可摺疊又桃竹產興化杜甫桃
竹杖引云江心蟠石生桃竹斬根削皮如紫玉今興
化所出者色正紫俗以為桃枝竹非也

含朵竹 大如指閩大記云可以樊蒼按含朵竹各郡

巖志因閩大記而互相記載按含朶竹心實似葦似竹種蠟者宜之產甯德羅源詳海錯百一錄蠟條下黃竹即長枝竹節長刮竹絲以脣船其皮柔亦可曲折成器石竹節疎而平亦可為器福州福清石竹山即以此得名及西四郡皆產之

油竹 產福屬竹小其筠滑澤可作小器用

研竹 三山志生永福縣鶴洋差及湘江者又紫竹幹初生白越年餘乃紫山邑皆有之國朝以來取為煙桿羅源所製白竹去皮留穰亦雅潔

筋竹 即筋竹筍可食三山志竹厚而竅小可為弓弩
材生於石間者堅緻移植則變豁竹節長細可為笛
可為籬筍味最美按竹譜筋竹長二丈許圍數寸至
堅利南土以為矛劉淵林云夷人以史葉竹為矛即
是筋竹豁竹或呼歲竹筍味佳以上二竹各郡多產
之

江南竹 三山志猶大而堅直筍冬生蒼按延建有稱
剛三竹者每莖皆三葉其榦似福州所呼綵旗竹而
葉遠勝之月影到地羅羅清疎可弄也詢之山僧之

知文者則曰剛三竹也土人誤呼江南竹

蝨竹 三山志叢生如蘆每節生蟲如新蟬之未翼者

無竅隙隨竹而長竹將枯乃穴其旁而出蒼按即蟲

竹其蟲似蜂又似蔗蛄竹之初芽剖視之一點如白

麻隨竹生隨竹大而竹篔矣蟲穴而出化為蝶而

竹筴矣島居隨錄福州有竹每節内生蟲竹將枯穴

其旁而出又按其蟲初六枚漸相食成一枚蛭孔化

蝶凡竹葉網青蟲久即化蝶蝨竹節生蟲故葉無蟲

人面竹 即老人竹或呼佛眼竹為杖最良其節一俯

一仰如人面產侯官縣治之烏石山各屬亦有產者
閩省竹之種類最多因其賤遂不移種惟方竹朱竹
毛竹移植不生赤規竹綿竹移植則穰薄不中紙料
語云人去鄉則益賤物去鄉則益貴信矣俗以移竹
正月一日二月二日幾月種於幾日又云竹醉移竹
其說皆偽須於筍前帶土移之則都活也

全絲竹 幹中有三道黃色產福州又斑桃枝竹亦名
界金竹又曰黃金閒碧玉竹林譜記云閩人呼其筍
為黃筍亦名黃竹按福州興化皆產之一黃一青

斜相間出福州高湖江邊者尤鉅

鳳尾竹

出福州梢葉森秀如鳳尾又錦邊竹產侯官

北嶺其筍每籜皆有朱紅線

篔簹竹

乃竹之最大者其材中甌王彪之閩中賦篔

簹函人挑被盲蟲異苑建安有篔簹竹節中有人長
尺許頭足皆具蒼按篔簹竹節中有物長數寸似人
形建屬多產他郡出者特大而已順昌篔簹鋪亦以
此竹得名

蘆竹

似蘆叢小葉疎生溪澗旁箬葉竹其葉可以蓬

各屬織為箬篔

長壽竹 產崇安黃亭毛竹 產毛竹洞其地去武夷山

百餘里每竹生數節每節旁出一榦榦之巨細與根
等他處閒亦有之或指為麻竹毛麻閩音之譌居山
雜志美竹高者至數丈其名曰毛竹並山左右皆有
之三伏蔭其下無暑氣然獨宜山岡則生移之平陸
則弗活其餘竹甚多無踰此品遊人多愛刻名其上
題蹟可經數年不壞久之益若蟲書古篆可觀扁竹
產邵屬節扁

黃蠟竹 節最堅實可作器筍味亦佳烏步竹大如斑

竹其點黝黑不分明瀟湘竹高僅尺許即水竹篔竹

節短幹直色白而堅大似麻竹蒼按本草篔竹堅而

促節體圓質勁皮白如霜大者宜刺船細者可為筍

取漚並根葉皆入藥又按本草所稱篔竹閩中或稱

篔竹與麻竹共堪作筏皆產邵武水竹各屬以種假

山

慈竹 述異記南中有子母竹生不離本八閩通志曰

慈竹是也王勃云宗生族茂天長地久萬柢爭盤千

株競糾蒼按慈竹笨葶固護幼穉環簇叢高葉茂鄉人樹之門前標於路口使遠望者知為某鄉某宅卒之每因糾結無泥根株吐露暴風傾倒不可扶植

觀音竹 長三四尺入盆景則愈短愈細溼土多產之

又金竹產上杭高僅尺餘密條扶疎亦供盆石之玩

白鱖竹 產建安城北沙洲色微白夏生筍斑鱖竹亦

產建安花斑如鱖魚春夏之交出筍美蒼在芝城常

食之白眉竹產尤溪以製筆管其用甚廣天竹葉如

竹其實臘月紅如珠樛竹即蒲竹其葉可鋪甌以蒸

裸筵竹身空可製箏篋箬竹

竹即筍

以上七種產建屬

紫竹

產汀屬其色純紫節短可作簫世謂紫簫者是

也與製煙箴者不同其筍輒作羹甚美

沈竹質重易沈削為弩遇風不欹側火竹用以取火

皆產南平縣

墨竹

即烏竹枝節如墨色琴絃竹色白帶微紅中青

紋大小相間如琴絃然化竹節疎而堅緻機杼用之

草竹似草似竹其筍可食以上四種皆產漳泉英筍

產南安縣苦竹山火燒筍東漳皆有之

空涵竹。直聳無枝高二三丈大二三寸產臺灣蒼按
王最云漆州通竹無節空心也疑即臺灣之空涵竹
臺灣一大浮島海氣鼓逆寒不穿棉草木之奇異內
地不可思議地震有至半月者眠食俱離屋宇終恐
全島陷入海中

龜背竹。兩節相閒形如龜背取為筆筒聯板即廟社
賽神皂隸所扶者倒挂竹。建屬呼枝葉皆倒生皆產

福州

鶴膝竹。即植竹肉厚竅小莖瘦產古田縣各屬亦多

有之似靈壽竹不須雕琢自合杖制蒼按僧贊甯筍
譜鶴膝竹節下大上小似苦竹閩中土人呼為榷竹
堪作拄杖又榷小而葉大於貓竹三十倍可藉物可
作笠可裹橈箭竹可為箭榷亦產古田

定光杖竹 蒼在汀州聞定光杖竹志亦有之終未見
實竹可為器具蕩竹大可為斗皆產汀屬

釣絲竹 即綿竹榷末彎似釣竿其筍下廣上銳味甘
食之發病凡筍以苦為正味脆次之澀次之酸次之
甘為下麻愈下

粉竹 西四郡皆產延建以製紙閩部疏粉竹春絲為
佳紙料者美於江東白苧

雷峯竹 節短而整交節處特殺以其形似西湖雷峯
塔故名製扇柄拂柄可玩也產福州陳茂才步蟾字
升于喜雕竹非好竹好字好人不輕試手人呼之為
三好生員曾以雷峯竹雕陶詩細如毫髮隨筆款識
皆可玩

萸竹 幹長節疎福州以曝衣其筍名合筍

嘉竹 產武夷天柱峯南園樂可愛故名虎脊竹節鈎

聯若虎脊故名產浦城縣北詳前

篁竹 亦竹之大者其筍白露生至大雪止或紫黑色

心實細切鹽醃去苦味以洗米水或將水漬兩晝夜
漚乾泥封謂之筍筍

篋竹 清異錄海南島中一類筍極腴厚而甚短島人
呼平頭筍按平頭筍即篋竹筍詳海錯百一錄卷五
龍公竹 葉如芭蕉產沙縣

葫蘆竹 產邵屬節大節小狀如葫蘆

麻竹 石麻之竹勁而利削以為刀切象皮如雪

竹似麻竹筍秋生永漳龍巖為多其筍不及萊竹而
比於筍筍

黃竹 產古田建安葉青老則於黃其筍常生味微甘
按斑桃枝竹亦名黃竹與此不同

蓋竹 竹之大小而易茂者本小末大肌薄色白產永春

德化按建陽縣縣下里今為地名典錄賀齊傳云討

建安賊洪明於蓋竹是也又按志陳錄亭祠在建陽縣興賢里記唐錄亭陳洋

洋以剛直為縣吏所忌譜而殺之及其三子邑人哀
之立祠以祀疏陳府君廟洋墓上有竹二竿從樹柯

中出眾以為異因名蓋竹神祠延人言蓋
與怪同音云怪竹也按此則蓋竹之產於此

斑竹 產沙縣善峽圖斑竹溪其斑如羅紋疏密相間
可為燭燃畢無灰

秋竹 枝繁旋剝旋生雞犬不能徑野人以成籬落閩

諸郡皆產竹裝舶出洋則緇竹為多篋竹次之甯德
羅源連江長樂出舶甚易永福產竹最多由南港下
至瀨下入陽岐大江出海侯官東北等洋文洋各墩
則由離城五十五里之薛坑裝排十里至棧溪又十
里至連江之小村又一百里至連江縣南門外之江
南橋出海杉木之短小者亦由薛坑出連江越王竹

海岸所產似草似竹詳草屬越王餘算條下

藤屬

紫金藤

出福州葉小而健幹疏而瘦本草圖經紫金

藤生福州山中春初單生葉青色至冬凋落其藤似

枯條其皮可治丈夫腎氣又千金藤黃赤如細辛各

屬多產

丁公藤

即南藤俗呼石楠藤山邑多產泉州良葉大

於紫金藤榦麤三山志生依南末故號南藤六閩通

志莖如馬鞭有節紫褐色

蒼家有南藤馬鞭大如杯而無節已九十年不蠹不

折南史解叔謙母有疾夜禱庭中聞空中云得丁公

藤治之可差即此是也蒼按即拏藤延蔓石上四時
不凋治風要藥亦可釀酒詳本草綱目

清風藤 即風藤俗呼扁擔藤五葉齊生本草主治風
溼流注歷節風鶴膝風麻痺癢痒損傷瘡腫入酒藥
中用按臺陽產者尤肥茁臺人煎成膏以寄遠

含春藤 山邑多產其蔓延木葉多三缺冬夏常青本
草採葉治諸風有效

烏理藤 即吉鈞藤色紫道家呼其根為降真香按八

閩通志吉兆藤產漳州興化福甯

其莖置煙灸中經
時成紫香可降神

金剛藤 產福州福甯三山志方言謂之菠蕓根赤色
蒼按土人取其根以染鴨子

薛荔藤 產泉州八閩通志蔓纏山樹閒色紫蒼按此
藤山谷多產無甚作用

王孫藤 產福州福甯呼黃爽藤柔韌可作纜莖長如
竹根擘之以貫牛鼻資農事龍溪毫光堂至正閒新
鑄鐘成以山藤貫紐懸於梁萬厝閒易以鐵藤委地
復生枝葉乃重貫於紐又雞翁藤臚藤螿藤俱產
甯臚藤螿藤可毒魚

釣鈎藤 其莖如鈎又〔白斷藤〕皮微白〔紫荊藤〕莖似紫荊皆產延屬可供束縛

左纏藤 各屬皆產延建為多福州呼忍冬藤花即金銀花蒼累以忍冬藤煎膏每於叢中揀出形似者蓋此草恆與忍冬藤並生惟忍冬藤中空識者辨之

李郎藤 能止嘔血久腐者村人作香蕪之〔蛇首藤〕莖細葉如猴耳治齒喉皆產福甯

香藤 三山志緣木而生其氣馨香

感藤 產福州即甘藤音相同而訛也又名甜藤其

大如雞卵汁甘美如蜜生研傅蛇蟲咬傷瘡藏器曰
其藤大如雞卵狀如木防已斫斷吹之氣出一頭其
汁甘美如蜜

水藤 產臺灣內山長條遠蔓窮其本可得數百斤其
大而牙色者曰魁藤尤經久草有似藤者曰彭安潔
白光亮穿藤匠每以此欺人不久即爛互見貨屬

野藤 種類不一詳海錯百一錄卷五

閩產錄異卷三

閩產錄異卷四目錄

花屬

山芝

蘭

春蘭 蕙

龍巖素 玉枕

蘭

秋蘭

草

郡馬

報歲蘭 硬葉報歲

附紫蘭

桂花

月桂 銀桂

丹桂 金桂

隋桂

木犀

寶珠

燈影梅 綠萼

石梅

白品梅

胭脂梅

紅品梅

附蠟

蒂

素心蠟梅

附磨口

蜀茶

附錫丹

六角

寶珠

紅 六東

角

洋茶

千龍

五心

牡丹紫

芙蓉

紅絲牡丹

麗春

紅鐘款

虎斑

飛點

青梅

紅飛點

千葉白山茶

矮桃

木瓜

附木

夾竹桃

施氏菊

附湯

白瑞香

附越

白山丹

西府海棠

附垂絲海棠 梨 貼梗海棠 棠

木芙蓉

附醉芙蓉 九頭芙蓉

蓉

梔子

紅薇 附白薇

木棉花

百葉石榴

山

礬

玉蘭

附木筆

含笑

附牙笑

斜題

佛桑

樹蘭

附真珠蘭

指甲花

芫荽

海紅

附關雪紅

雪瓣

雪球

附千變萬化

貝多羅花

附奇楠花

曼多羅花

紫杜鵑

紅杜鵑

鵑鵑

白杜鵑 黃杜鵑

荷包花

密柳

凌霄

餘醪

迎

春

附金花雀

六角寶相

附麗春 姊妹薔薇

長春

月季

月春 玫瑰

七姊妹

沙

棣棠

漢宮春

碧雪

錦竹

白午時蓮

附黃

午時蓮

交枝蓮

附風車蓮

葵花

附葵園向日葵

罌粟

孽

花附山

紫羅傘

茉莉

紅茉莉
附晚香

素馨

紫玉

鶴蘭

附夜
來香

麝香

雞冠

附矮
髻

鳳尾

水仙

大笑

扁竹

鹿葱

天蒜

附玉
燈

玉甌

附玉
髻

白

附國
丹

月見

秋海棠

一線紅

附度
年紅

滿山紅

花柳

虎刺

真珠

珠梅

優鉢曇

牡丹

附芍

藥
杏花

草屬

越王餘算

鯉魚橄欖

霸王鞭

附紅頭蛇
馬尾絲

仙人

掌
雞母刺

箬下珠

賴桐

蔴禪

蕨其

附巖
肝

鹿獨

草 薯榔

蛇麻

石蘿葡

附穿山龍

零陵香

附臭草

細萼菜

附佛甲

薺薺菜

天芥菜

附金線綠毛龜

旱蓮

小青

附燈籠草

巖松

附瓦松

卷柏

醉西施草

七

步緊草

書帶草

龍舌草

犁頭草

長生草

紅花草

烏毛草

白麴草

附乳草七絃草

鈴兒草

虎耳草

避煙草

虎杖草

噓噓草

螺曆草

獨掃草

兔草

仙草

薜草

蓮草

翠草

巖

萋

附五葉藤

瓊田

附燈心紫背

芙蓉

木蓮

石垂

芋蓉

火杓

雞項

附雞腸

鱧腸

鼠麴

羅勒

又
苕

葛

附葛粉

煙

苕

附葛粉

葛

附葛粉

葛

附葛粉

葛

附葛粉

閩產錄異卷四

侯官郭柏蒼兼秋輯

花屬

山芝 閩深山所產者皆形如車蓋其跗曲有一跗分
兩芝者蒼游山攜歸施薄漆為古玩數十年不壞不
蛀凡芝無根非無根也朽木猶臭其氣鬱結在內得
日月霜露薰蒸而出與水面起沫同一理居宅生芝
偶有徵應道光辛巳福清茂才念作霖烏麓屠屋臘
月晦夕芝自地及瓦是年作霖領鄉薦丙申屠屋復

生芝如前是年作霖物故

蘭 其類有三種一萸一花二花萸花皆綠色花藏葉

底春開花者名蘭亦名春蘭其香遠聞一萸五花七

花至十一花萸花皆白色萸高於葉或累累葉開夏

秋開者蕙也

按零陵香亦名蕙

其香易覺蕙之素心者亦稱

素心蘭以龍巖州產者為第一俗呼龍巖素

蒼在龍巖見土

人所栽素心蘭多從永安批來是永安產而龍巖培之

葉闊而長萸高花多萸

花並花心皆白色次則萸弱花白者名玉枕閩小紀

郡志俱作魚魷嬌玉枕魚魷聲之譌也以其韻致特

豔之以嬌永安素心蘭葉稍短次則頭陀延建邵深山多產之不但武夷也頭陀植盆中多閒歲作花又花心紅莖紫者名草蘭不避霜日火燒其根植之則花白又有花心紅而花多於草蘭者名馬耳香遜素心馬耳一箭十八花者名十八學士福州北門馬鞍鄉民植市之凡此皆蕙屬也又有莖肥偉葉輒而瘦長葉旁帶刺三四月開花作深碧色者蘭也詩秉蘭是已莖肥偉故可秉邵武土人呼蘭蘭亦二種大者莖高尺餘葉長二尺花九朵小者花七朵五朵香

重於蕙而韻致不及蕙蘭蕙蘭三種之外又有秋蘭
葉勁長花瘦削如蠅爪有深碧墨紫二色紫者如報
歲蘭其意態似蘭長泰縣有土名林郡馬者花亦綠
色秋開十二三萼亦呼秋蘭福州有軟葉報歲蘭冬
末春初開花故名其葉光潤視常蘭倍潤花墨紫色
茁者一莖三十三朵道光間林上舍文楷所植又有
硬葉報歲蘭葉短花疎此二種視蘭蕙為難植蟻穴
其根須得防蟻之法又有紅蘭四五月開花葉短闊
而硬莖亦矮小花繞於莖作朱紅色尚有似蘭似草

名目不一皆無足錄蒼遊山見蘭必叢生南谷蓋蘭以風為命南谷夏多風無日冬避霜得日谷氣陰而不鬱泉脈走而不漬移植盆中違其性甚矣培者用巖上土和稻草畧燒篩去火灰先以木炭置盆底

後入巖土緊把植之安放於空曠多風無日之所乾

時以天水或清泉澆之

蘭根肥故不宜多澆

根出土面則新葉

愈健開花愈多至根能裂盆於九月破其舊盆分種去其根下之鬱結如蘗蒜者仍緊把分植之有糞以

蘇油渣者有糞以蜆水者

取蜆調水置甕中曬之蜆臭爛糞之

皆不得

亦能多瘴福南四郡桂皆四季花而反盛於冬凡桂
四季者有子唐詩所云桂子月中落此真桂也江南
桂八九月盛開無子此木犀也

隋桂 在興化東山寺庭中其花四時皆葩自根達枝
凡罅隙悉吐此花他處所無以其植自隋時故名蒼
按山桂經樵採削伐氣鬱於下每連根着花凡花開
時不可裁截玉尺山三桂竟被田婆簪枯蒼入居補
種各品今亭亭矣

木犀 其葉似桂無鋸齒叢生澗上羣芳譜所謂巖桂

也處暑即開花至寒露而止其花隨開隨落堆積淵
底雨後澗水恬恬出溪脾寒者飲之發瘧凡木犀多
產於瘴地山巖起黑雲者是也桂花木犀其木皆稱
桂柴宜牀榻器具木犀柴有黑紋光潔不及桂柴互
見木屬桂條下

寶珠 水紅梅也着花時畧帶新葉彷彿紅杏出福州
望恩里福州接針之燈影梅極盛然少重臺白品梅
不及南京紅品梅勝南京以南京花辦蠟散也綠萼
天寒亦着透花若南風刺毒由矣興化泉州有石梅

抱石而生花如雪毬花心一點紅色又名玉印揉其
枝使盤屈可登盆景惜花匠之工巧不及福州福州
又不及連江蘇州元宵盆供古梅六十餘樹杈杆剝
蝕異狀奇形可稱絕品聞昔時得百盆也閩縣南臺
之梅塢山舊時植梅萬株冬日看花者道路相屬為
南臺八景之一今其地悉架夷樓游者絕迹將樂縣
水南入玉華洞路名十里梅蒼少時屢游尚剩數百
樹再游則剩百餘樹無好事者補植久將蕩然矣咸
淳臨安志土人所種有福州紅邵武紅等名蒼在邵

武求所謂邵武紅則不及福州獨甲辰冬光澤縣興
明府廉署中賞雪評盆梅十數種中有粉梅即石福
甯臘脂梅餘多南京及福州之紅白品又有名蠟蒂
者產邵屬花深紅色畧似紅梅亦先花後葉與梅齊
開可稱梅婢以對荔奴宜泉乃作梅婢詩

素心蠟梅 福州有素心圓葉者色如黃蠟而帶蜜味
香似春蘭開時葉盡落擇古幹者作瓶花尤素靜蒼
築鄂跼草堂時螺州陳孔向移質庫老本入植其本
兩手所圍以曾經攀折拳曲低亞草堂十梅春初賞

者評為第一磬口馬耳心有紅點皆不足貴

蜀茶 亦名滇茶漳州興化皆有之淡紅色其品與京陵之寶珠伯仲學圃餘疏吾地山茶重寶珠有一種花大而心繁者以蜀茶稱其色類殷紅嘗聞人言滇中絕勝予官莆中見士大夫家皆種蜀茶花數千朵色鮮紅作密瓣其大如杯云種自林中丞蜀中得來性特畏寒又不喜盆栽予得一株長七八尺昇歸植澹園中僅留二三花更大閩部疏滇茶不寶珠而色鮮好嬌於寶珠茶其大如盃瓣有重臺交覆可當芍

藥箭人林大輅中丞官被帶一株歸今傳種聚有之
開時千朵豔發綠葉掩映大是佳卉蒼溪福州望恩
里百葉茶以錫丹寶珠東方亮六角紅六角白為上
品東方亮色如黎明尤美

洋茶 種類甚多出日本百餘年來廈門漳州皆植之

有千龍狀如紅牡丹大者可尺一二圍高三四寸亦
有白色者又有牡丹紫有名吐絲牡丹者能於花中
起臺吐出長絲數寸更有鐘款菊款五心白芙蓉紅
麗春紅虎斑青梅紅飛點白飛點

千葉白山茶 產崇安山茶有白紅紫三色皆單葉花
師掘其本以佳種接之獨崇安千葉白奇香茶花中
之絕品蒼按京陵茶花三十餘種白者如東方亮紅
者如錫丹紅白者如飛鷗閩中皆甚貴重惜無有外
事者將此種移入京陵

矮桃 高僅尺許重瓣者花而不實產建屬福州矮桃
高尺許結實如杯作雪體可入盆景

木瓜 葉有刻缺似貼梗海棠結實遜於北棗

木桃葉

似木瓜實似桃產甯福興泉他郡偶有種者防眩蟲

夾竹桃 相傳卽俱那衛小滿開花直至冬初俱爛漫
但花臭耳閩東四郡及延平皆產之福州以其香不
清且嫌桃花夾竹四字故婦女不簪閩小紀閩中多
夾竹桃葉微如竹花逼似桃柔豔異常予嘗謂友人
曰此陶靖節賦閒情時也千載後猶時時見之此種
閩人不甚貴重過嶺卽不生虎林一郡聞只三數株
金陵閒有然亦無過三五歲者曾師建閩中記南方
花有北地所無者聞提茉莉俱那異皆出西域盛傳
閩中俱那衛卽俱那異夾竹桃也

施氏菊 龍溪施氏種之高至丈餘花大如盤人呼施

氏菊蒼少居七穿井同室鄭念祖工蒔菊捻菊葉嗅

之知為某種庚寅居井樓門外秋塘書屋乞其種大

者亦作花如碗然須藉重陽前後微雨之力後麗文

鋪有以馬矢糞菊者馬齒糞優鉢
亦肥大其高等身惜葉麤

不韻種菊無籬無石整整盆中乃作畫之工筆終落

匠手菊惟九華仙作華最大紫霞觴旁枝能開至十

一月若於蓓蕾時蒙以龍眼殼俟小雪後揭起亦開

至冬凡菊不論何品俟殘後拾花心揉之取其子置

囊中清明前種之開花朵小恆雜各色次年以宿根分種其色尤妙湯盪菊花歷久不枯枯則以湯盪之復鮮有紅白二色產建屬

白瑞香 此花生巖頂土帶石處閩中所見皆孳枝只

有紫白二色建安縣房村溪之山上最多

從房村口分溪入房

村街七大者蕃茂一二圍其本拱把移植他處暑天

忽瘁傳為發痧刀割其根間亦復活然終不久榮蒼前後掘植十餘株至今無一存者凡巖產平地不宜
墨莊漫錄襄陽唐氏瑞香一禁面闊一丈二三尺婆

姿如蓋下可坐胡牀按羣芳譜瑞香有楊梅葉枇杷
葉荷葉學枝之別其種有黃花紫花白花粉花二色
花梅子花串子花之別惟學枝花紫者香更烈枇杷
葉者結子學枝者其節學曲如斷折之狀諸書皆云
瑞香初名睡香以廬山僧得名古無聞者或以楚辭
所載露甲當之按蘇軾廬山真覺院瑞香花詩紉為
楚臣佩又賞瑞香花憶先朝侍宴次韻好紉幽佩帛
沈湘是即露甲之證越橘產福州八閩通志樹如黃
楊花如瑞香而白實如朱櫻

白山丹 產福州枝葉花俱與紅山丹同亦忌霜雪其種難得蒼於枕石草堂植之今移入閩山按廣羣芳譜花譜既載山丹末又列閩山丹一條註曰與草本

山丹名同物異且引學圃餘疏云閩人來賣一花云是紅繡毬倭國中來者後至建甯見縉紳家庭中花簇紅毬儼如剪綵名曰山丹乃閩卉也學圃餘疏所云山丹即山丹之紅者不得分記閩中呼紅山丹為花虎不宜與諸花雜植所云紅繡毬又是一種乃卉屬山谷野生也

西府海棠 產福州福甯及東四郡以花葉多者為上

又垂絲海棠又棠梨三種皆從母樹分栽或擇旺枝

櫓之櫓法詳荔枝條下貼梗海棠以花開十三葉者為上凡

海棠傷熱溼即生蛭蟲由枝及本則枯

木芙蓉 八閩通志云一名拒霜花紅白一色有單瓣

者有重瓣者朝開色白午後則漸紅者曰醉芙蓉蒼

按木芙蓉朝開幕落古人稱之為拒霜以其開屬霜

降取生葉乾之和雄黃礬末為錠涼血散熱解毒消

腫毒惡瘡排膿止痛有殊效九頭芙蓉產臺灣葉似

梧桐一莖九頭深紅色狀若牡丹嬌豔可愛

梔子 其花單葉白色武夷山徧生巖上僧取焙茶名
花香又百葉者名水梔即玉樓春邵武又呼欲留春
福州望恩里有大至拱把者朱子謝劉平甫詩年來
衰懶罷書淫偶向盆山寄此心何事涼陰老居士便
分幽賞助清吟

紅薇 花與紫薇同而色妍紅黃蜂黑蟻爭聚焉其樹
微風亦動世謂不奈癢非也郡縣志多以為百日紅
又呼之佛相花皆誤矣蒼按學圃餘疏所謂閩中百

日紅者乃臭梧桐花也漳州有白薇取以閒紅薇紫
薇真成絕色

木棉花 產泉漳福州下江亦有數樹閩部疏閩中木
棉花著高樹花若茶吐實蓬蓬吳中所謂攀桂花閩
小紀本棉庵在漳城南二十里今有木棉舖鄭虎臣
殺賈似道於此土人云夜深時有燐火照人鬼恆作

哭聲豈似道厲鬼猶未泯耶

按攀桂花乃
玠枝花之誤

百葉石榴 各屬皆產永春有黃白大紅淺紅四種石
榴之黃者各屬未見

山礬 初名春桂宋黃庭堅易名山礬甯福或呼海桐
二月開碎白花其香遠聞結子如椒青黑色熟則黃
色可染黃或雜茗中

玉蘭 產東四郡一幹一花三月盛開惜花易落花落
即從蒂旁抽葉從葉中結小蕾計結蕾至開花九閱
月分種者用木筆接針樹愈大則作花愈小其葉以
麩粉和白糖入油微炸芳甘可食木筆即辛夷或呼
迎春到處皆產

含笑 有純紫者有外白內紫者純白者名牙笑甯福

興化為多花葉全無意態或呼之為杏者以閩土音
合口為杏也

斜題 產甯福興泉漳葉如梔子花白色朵朵欹側如
筆故曰斜題言似筆之斜而題字也按八閩通志云
南海種商舶傳入閩中花皙白而香勝如素馨蓋巖
桂之流品也佛書曰闍提花春即此亦名蛇蹄據八
閩通志以為亦名蛇蹄蛇蹄斜題乃音之誤諸書花
屬多引佛書中國之花不能辨別何以知佛書為某
花耶才子欺人往往如此

桑 一名扶桑產東四郡及臺灣海東札記曰

桑葉花如蜀葵色深紅如火曦火所燭疑若猷生臺
灣有二種千葉者紅黃二色單瓣只有紅者自夏歷
冬一樹開數百花望之若燒空焉蒼按佛桑乃木槿
別種福州村人以護籬落婦女以村婦所簪不上髻
樹蘭 亦名木蘭東四郡皆產之漳屬尤多花如珠淡
黃者福州呼碎米蘭白者名真珠蘭樹高一二丈葉
如梔子閩小紀珍珠蘭在吳越閒得一本真如珠樹
長泰南靖人家溷廁皆是

指甲花 產興化泉州或呼蕃桂八閩通志指甲花一

名七里香樹婆婆畧似紫薇蓋如碎珠紅色花開又

如蜜色清香襲人以置髮間久而猶香其葉搗和鹽

以染指甲甚紅蒼按指甲花夏月開香似木樨可染

指甲勝於鳳仙花北人呼鳳仙為指甲花亦有黃白二色其樹

高五六尺枝條柔弱葉如嫩榆又案草花譜指甲花

生杭之諸山中花小如蜜色而香甚用山土移歸土

盆中亦可供玩蒼見泉州龍巖開花白色繁細如末

粒土人呼散沫花是也

此菜 產古田屏南樹高丈餘皮白春末生葉其花
生根上漸及於榦後乃至枝其狀卷而不舒色紫
濃即詩所謂視爾如菽之菽

海紅 產興化枝葉似木瓜小滿開花深紅色按海紅
諸書不載惟唐劉長卿夏中崔中丞宅見海紅搖落
一花獨開詩何事一花殘開庭百草闌綠滋經雨
紅豔隔林看竟日餘香在過時獨秀難共憐芳意晚
秋露未須溥鬪雪紅即月季福州呼勝春花如薔薇
四時常芳互見下六角寶相條下

雪瓣 羣芳譜一名狗牙似茉莉而瓣大其香清絕出

海南按雪瓣福興泉漳皆產之其樹叢生高不及丈
枝條軟弱葉對生而圓花白而香閩中視為雜花

雪毬 產甯福大者百花成毬入花罇合紫燕素女幽

人也又千變萬化卉屬花似雪毬而小雜紅紫綠白

色見日氾露輒為變果冬萋春即其根重榮

貝多羅花 產臺灣樹多瘴結枝皆三杈葉如枇杷而

厚花瓣五六出大如小盃瓣皆左紐香如擘橙樹大

者日開萬顆落地如鋪銀奇楠花淡黃色四瓣中六

小萼旁生兩小粒如翼狀其花經月不凋產同

曼陀羅花

產泉州永春俗呼風茄綠莖碧葉花六瓣

形如茄子誤食者發狂按曼陀羅今人以為迷藥其
花春生夏長高四五尺攢花中折駢葉外包朝開夜
合實圓有子明李時珍曰相傳此花笑採釀酒飲令人
笑舞采釀酒飲令人舞予嘗試之飲須半酣更令一
人或笑或舞引之乃驗也八月采此花七月採火麻
子陰乾等分為末熱酒調服三錢少頃昏昏如醉割
瘡灸火宜先服此則不覺苦也

紫杜鵑

產福鼎三十年來有自臺灣傳其種於福州

者亦甚貴重凡山石乾燥帶土者皆出紅杜鵑或呼

躑躅羊不敢食移植則根斷多瘁蒼游九峯山得杜

鵑作杖紋理絲絲堅韌不折白杜鵑黃杜鵑福州望

恩里有種者然亦易枯閩部疏閩中大都氣暖春花

皆先時放二月下旬已見躑躅

荷包花

產上杭縣其樹直上花多葉少眾蕊圍合成

花紅勝於硃

密柳

產漳州龍巖漳平甯洋花似薔薇無香枝葉有

刺

凌霄 一名紫葳即詩茗之華也隨處皆產本草云花
及根微寒無毒涼血生肌主治之症甚多蒼按八閩
通志凌霄花黃亦有毒凌晨仰視花露滴目則喪明
何以本草根花並用姑記之

酴醾 福州酴醾似玫瑰而多刺其花淡紅極香園林

綠意已齊此花始開按花木考酴醾色作淺紅香氣
不足

蒼按香氣不
足決非酴醾

閱唐宋詩詞多用粉面額黃香瓊

香雪等字心竊疑之及考此花本作荼蘼以酒號酴

醜花色似之遂復從酒則花作白色似無可疑矣蒼
按諸書或以薔薇木香潤醜醜蒼所見醜醜無黃色
者

迎春 俗呼金腰帶叢生方莖厚葉面青背淡對節生
小枝一枝皆三葉大寒一候便蓓蕾花黃色其莖着
土即榮盤屈作勢以燻牲水沃之高可盈丈立春點
綴園林與殘梅相交接亦不可少也〔金雀花〕黃色勢
如飛雀春初即開叢生有高數尺者采之滾湯入少
鹽焯可作茶品清供

六角寶相 福州百葉寶相有淡黃此種大白亦難深

紫桃紅大者皆如杯獨百葉六角寶相花深紅色朵

畧小花葉末微尖其花鮮硬簪之經日枕石草堂牆

上數種惜入居閩山皆瘴麗春花紫紅色茁者一樹

千朵招引蜂蝶長春月春七姊妹去此連矣薔薇閩

中薔薇獨有白色百葉者一種月季長蔓硬刺葉小

於薔薇花深紅千葉厚瓣人家多栽插之亦薔薇之

類玫瑰或呼徘徊有白紫二色唐翁承贊詩三株紅

芍藥一架紫玫瑰金沙似玫瑰而香不及黃庭堅詩

紫棉標色似金沙

棣棠 甯福皆產其花黃色簇簇然三月開惜花葉嫩
散以之參錯樹閒開至九十月伴雁來紅漢宮秋老
少年作秋色似亦不可少

漢宮春 產泉州八閩通志花色金黃畧似滴金而美
春末夏初開蒼按東四郡少霜雪漢宮秋雁來紅老
少年至十月尚照耀園林凡漢宮秋之類須收子貯
囊中雨水節以鬆土種之若聽其子落地自生雨水
多其種便絕

碧雪 色青白產邵屬八閩通志叢可一二尺花細而
色白

錦竹 即石竹又名天南竹產福州延平漳州草品也
高尺許纖細而青翠花有單瓣千葉有五色柔輭散
漫用細竹作籬圍之唐詩麝香眠石竹是也王敬美
曰石竹雖草花厚培之能作重臺異態與夜落金錢
鳳仙之類俱籬落閒物

白午時蓮 又名朝日蓮產福安縣白雲山上池中結
子墜入池泥次年簇簇生矣各屬種者先時分種於

此蒼按山上有兩池產雙葉小蓮玉色向午開浮水面傍晚花合沈入水中故呼午時蓮諸書誤為午時蘭又黃午時蓮單葉花黃心赤亦午開幕合產福州交枝蓮產龍溪纖藤不能自將緣木而升暑天開碧

綠色花交相照映風車蓮產福州藤生花青碧色

葵花閩葵花有紅白紫淡紅四色皆百葉獨一種單

葉紫色者名葵圀又秋葵俗呼金花捷報其花浸油解湯火又向日葵黃色大者如盤徑六七寸花恆面

東故名

罌粟 各屬以其顏色嬌豔種之園圃以供賞玩獨
州以其實為果品

孳花 即紅苧菴叢生葉厚其花一穗數十莖淡紅而
下垂如葡萄又一種名山孳柔韌可為繩產福興泉
三郡

紫羅傘 產福州本草圖經名為尾葉似射干而花紫
碧色不抽高莖今俗呼紫羅傘其根即鳶頭亦入藥
茉莉 南四郡及福甯皆產又名末麗有白紅二色陳
傳歐冶遺事果有荔支花有末麗天下所未嘗有此

其所偏得者三山志此花獨閩中有之夏開白色妙麗而香方言謂之末利佛經曰末麗花香又有紅末麗藤生亦香羣芳譜抹麗原出波斯移植南海據此則閩中之茉莉由南海移植按福州有千葉者名番茉莉所云波斯移植或即此種故以番別之單葉者決為閩產隨意剪枝遍插土中無一萎者其性宜也清明前望恩里花客剪茉莉枝並截朱桐枝皆以篾網之置船底至蘇杭南京以久離水土之枝取插盆中即生根葉入夏爛然隔歲復榮但無花耳蓋受

在枝故能發花氣洩則地土不宜矣閩人以茉莉夜
來香月下香皆暮開賤之名園不植大者一二丈其
本剝蝕如龍眼模閩小紀云予在燕川見黃孝廉書
齋前二茉莉樹高二丈餘掩映三棚屋又晚香花白
色小於玉簪夏末秋初開至晚香如茉莉產建屬

素馨 閩諸郡皆產南方草本狀又名那悉茗蔓生白
色露浥愈香黃者不甚香白者香勝末麗諸書以素
馨來自西域一名野悉蜜花學圃餘疏素馨出閩黃
者不甚香按素馨藤生葉纖綠花四瓣而細瘦須屏

架扶之多夜開其香微而不襲人故名馨婦女以其
花浸油為能長髮雜入香餅香串中則味愈遠又云
西域以之為茗明陳獻章素馨說以蓓蕾者與茗之
佳者雜貯陶瓶中經宿以俟茗飲之入焉

紫玉簪 產福州小於白玉簪玉簪應白而紫山丹應
丹而白紫薇紫藤應紫而白皆異品

鶴蘭 草本花白色產福鼎之太姥山今其種已遍園

圃夜來香 藤生花青色似斜題而簇聚

互見海錯可
一錄投蓴條

麝香 產興化弱蔓如山藥而缺刻稍異碎花穗生

黃色其香酷烈如麝

雞冠 福州雞冠有純黃純白純紅有黃紅各半者有
各色參錯者有矗起如麥穗者高至七八尺極矮者
呼矮髻其子至小其花至高榕子甚小而陰蔽數畝
皆理之不可解雞冠子漢宮秋子入目滑不可取防
紅腫致瞎

鳳尾 大者高丈餘花穗生黃心而白英長竟尺若鳳
尾然又一種高數尺花疎而香勝可辟蠹皆產甯福
水仙 興化漳州泉州溥種於田花肥則百葉六葉者

香勝其蓋皆奇而無偶一箭着花多至十一朵其根
味苦微辛治癰腫及魚骨鯁諸書皆云其花五葉上
承黃心如杯所見水仙花皆六葉西陽雜俎云襟祇
出拂林國開花六出葉長三四尺本草引入水仙條
下言其形狀與水仙彷彿

大笑 產興化漳州八閩通志青苞粉蓋白英香聞數
十步有四時者其花差小而香嫩

扁竹 春生苗高一二尺六月開花黃紅色瓣上有細
紋秋結實作房其根即射干入藥

鹿葱 葉似萱草而短窄一莖數花黃色各屬多種摘其花為蔬曬乾裝舶即金針菜

天蒜 即金燈花葉不相見如萱草產東四郡莖直上末分數枝枝一花光豔如燈玉燈亦名水蕉產興化未詳

玉甌 產南平沙縣六月開花其香酷烈又玉髻產興化泉州即石梅亦名玉印詳上寶珠條下

國白 膚神修潔大如百合而鮮白過之國丹莖葉似百合而稍細花如朱漆皆產漳屬

月見 產漳州蔓生花如玉色中有紅心數十花合為
一朵見月則開故名

秋海棠 有紅葉者其葉紅絲裊裊無紅絲者為白葉
着花則一也移植宜北牆根溼土之地三四十年其
卵如雞子高盈丈閩小紀高雲客為予言連江鐵髯
隱處秋海棠高一丈餘圍可一二尺許

一線紅 產漳州竈山其花對節見杭世駿榕陰詩話
未詳度年紅 產甯福榦高而花難凋自冬末涉春不

少變

滿山紅 卽萱草之開紅花者蒼按羣芳譜萱草有黃
白紅紫麝香重葉單葉數種與鹿葱相似惟黃如蜜
色者清香福州呼黃者為宜男草呼紅者為滿山紅
花椰 產興化一名滿堂紅又名朱草花穗生淺黃色
香聞百步八閩通志云開卽以為瑞

虎刺 四月開細白花子紅有刺層起似樓臺蒼按卽
壽星草產西四郡

真珠 產福屬有單葉者有千葉者宋許將詩救救圓
英淡分粧肯隨桃李媚春陽金刀不到春風外草密

林深只自香按學圃餘疏白菱花純白而雅且開久而繁人云來自閩中予在閩問之乃無此種始在豫章得之定是嶺南花也花至季冬始盡性亦畏寒花後宜藏室中按王敬美所云白菱花疑即真珠惜真珠之名不韻

珠梅 產甯福及南四郡葉小花小春開花百葉粉紅色無香亦名朱梅

優鉢曇 即百子蓮梁書波斯國傳國中有優鉢曇花鮮華可愛蒼按僧寺多種曇花其本旁出者分之優

鉢曇葉似曇花亦一燈傳一燈故名道光末始自粵
中來閩林子洛西以一鋸買供鄂跏草堂賞玩經月
今植圃如菜村婦簪髻矣

牡丹 三山志州舊無之慶厯間羅源林迴隱居南華
有出山遇慈恩長老獻牡丹詩蓋有之矣今古田連
江亦間有植者蒼按德化產牡丹福州牡丹以湧泉
寺為美近福州北門元翰巷方家栽亦得法道光甲
辰蒼會試寓內城寬街巴雅爾綽克托公府其第乃
太監杜勳宅也牡丹四塢自明迄今本高於屋為都

城之最芍藥八閩通志福州有植然不甚盛蒼入居
閩山移植沁園數歲不作花後以豬腸埋之乃著花
杏花書載閩中植杏者成梅惟玉尺山一樹結實近
亦枯蒼辛巳入居閩山移江南杏花二大株一栽漾
月池邊古方井旁一栽日夕佳樓前皆冬落葉春半
未葉即花花小而色淡不結實先花後葉是成梅矣
此亦橘踰淮為枳也

草屬

已見海錯百一錄者不重錯

越王餘算 異苑晉安有越王餘算葉白者似骨黑者似角云是越王行海作籌有餘棄於水中而生味鹹

溫主治水腫浮氣結聚宿滯不消腹中虛鳴又嶺表錄異南海岸邊沙中生沙箸一名越王竹相傳越王棄餘算而生若細荻高尺餘春吐苗箕心若骨青而且勁南海人愛其色以為酒籌凡欲采者須輕步向前拔之聞行聲遽縮入沙中不可得蒼按越三竹瀕海諸縣皆產不聞有行聲遽縮之異草有餘算者直

如簪中貫數子如算盤子土人呼餘蒜各郡縣志物
產每引異苑為據與越王竹乃二物

鯉魚橄欖 緣樹生形如橄欖而差扁剖之中有鯉魚
鱗甲俱備產福州郡治烏石山之虎符潭及尼帽石
下

霸王鞭 產泉漳臺灣其枝直出長尺餘分三脊通身
皆刺色青碧如仙人掌紅頭蛇頭色微紅狀如薯味
苦發痧者刀刮少許冷水送下立愈馬尾絲葉細而
花紅而小其根如荔支核黃色多細絲如髮不論

鮮乾皆可治蛇蜂諸毒產臺灣

仙人掌 各屬皆產年久有高至一二丈者形如熊掌
有刺無指掌中生掌接頂而高取其掌種之又成一
樹合州筠州羅浮生石上者名同物異

雞母刺 野生幹高二三尺紅色其葉多刺根如薯火
傷者搗其根傅之

薯下珠 產甯福背日而生葉似馬齒莧而薄其葉對
生葉下結子如珠治小兒疳病

蕨桐 野生鄧汀皆有之南方草木狀嶺南處處有之

自初夏生至秋蓋草也葉如桐其花連枝萼皆深紅色俗呼貞桐花按頰桐身青葉圓大而長高三四尺便有花成朵而繁紅色如火為夏秋榮觀興化每端午男女插戴謂可明目百陽韓俎曰花作黃色按頰桐雖名頰或亦有黃色但未見耳

麻樺 草本也葉有尖畧似萬歲菊其枝環生有細花鄉人取麤大者作杖輕而易舉呼曰樺杖老人及僧家扶以過溪急流不戰勝於鐵杖其葉北人作凍南人餞豬

蕨其 茨屬經久不爛土人以之帽牆巖肝即紫金龜

能治心痛鹿獨草又名茅香可治痢疾皆產延平

薯榔 染皂草也產福州及下遊獨臺灣者根大於芋
魁故皂布甲於天下呼臺灣青近福州井樓門外紅
牆染者呼井樓門青大田縣染者呼大田青亦皆以
薯榔肥美之故

蛇麻 葉如青麻藤蔓籬落間土人採以作麴生山谷
間或呼幽澗蘭即佛書兜率香也產興化

石籬菊 單梗葉如三指大有刺四月頂開紫花根似

胡蘿蔔產後聖藥產汀屬蒼見山鄉無醫凡內外症
每詢父老取草藥敷之服之其配製者不外酒鹽醋
蜜薑糖且不辨根莖枝幹葉萼華實五形五氣五色
五味五性五用往往應驗有專經之病即有專經之
藥吾人不識者不知凡幾城市醫藥便之且某藥以
某處為良某者為偽然往往死於醫藥村人之病多
勞苦城市之病多逸欲逸欲甚於勞苦也穿山龍獨
眼似蛇色赤數瘡毒甚驗產同

零陵香 又名蕙 即薰草 按真薰草 今人呼為廣零陵

香臭草 即蕎草詳海錯百一錄二草各屬多產

細萼菜 即馬齒莧莖有紅白二色生瓜棚下者可作

菹治痔瘡佛甲 三山志多附石向陽而生似馬齒莧

細小而長各屬皆產

薺薺菜 即薺菜三月三日福州採懸於門婦女簪之

諺曰不帶薺薺菜小鬼拖裙帶按即野菜譜所稱碎

米蘆可治血

天芥菜 蔓生高二三寸葉刻缺似芥菜開小白花甯

福興化皆產多生背日之處搗和蜜傅疔用法見本

草綱目二十一卷金線綠毛龜藤生葉有綠毛近莖處分兩脚培植二三年緣樹結子累累然紅如天竹實其葉亦和蜜傅疔

旱蓮 葉周遭如蓮植於盆石亦周遭而榮溼不漬旱不枯故曰旱蓮

小青 圖經本草小青生福州三月生花彼土人當三月採葉用之生搗傅癰種瘡癩甚效蒼按圖經不載莖葉韎花無從稽考惟福州一種名白華草花白高尺餘亦名小青村人以為疔藥又一種名燈籠草以

其子似燈籠故名二三月生其榮甚速高三四尺葉
刻缺似蕃茄有白毛取其葉以鹽少許搗敷白疔黑
疔即潰膿本草酸漿亦名燈籠草與此異

巖松 亦呼石松又呼玉柏產深山中草之似松者高

三四寸生巖壑間武夷最多採之以供盆石久藏書
冊中得水仍然青綠然不及蜀中峨嵋山所產之萬
年松薄小秀茂也瓦松甯福各縣多生瓦上葉大厚
花小而黃節解復生連江城屋上尤多亦景天之屬
又一種莖長葉圓無花其葉六出亦節解復生二種

仁在... 卷四
皆供盆石

卷柏 產山邑兩巖削起得露不得日之處武夷折筍
各巖年產數十擔入藥亦可供盆景

醉西施草 產福興即合羞草葉柔弱以指捫之或以

氣瘴之即低垂而合少頃復起凡草木莖長而葉分

兩旁者多屬陰木如馬纓即夜草如馬齒莧之類

七步緊草 七步緊形如壁虎被傷者急以此草敷之

未詳被咬者坐地候之啣草再至則生其草即七步

緊草也或再至啣柴則死是七步緊有神以司之

居烏石九年暑天無日不見七步緊在山徑出入從
求聞有傷人者

書帶草 福興泉漳龍巖皆有之種盆中以供賞玩置
園圃閒則麤大一二尺好暖冬則凋春至宿根復榮
龍舌草 產福州形如龍舌而肥茁兩旁有刺高者二
三尺葉長者尺餘開紅花婦女以葉津黏鬢

犁頭草 產福興蔓生小莖四出葉如犁頭蜜搗治癰
長生草 產延平八閩通志采之懸於梁不用滋培彌

歲長青按長生草亦風蘭之類陰乾而色不變

紅花草 產光澤刈稻後布于田中及春作花如錦

烏芫草 即烏脚草產漳州治喉痛

白麴草 可製麴釀酒乳草附地而生枝紅葉細少乳

者食之能通乳竅七絃草叢生如秧有直紋似絃白

綠相間入冬則白者變紅可供盆景皆產臺屬

鈴兒草 緣樹根石罅似薜荔而無實明長樂馬鐸見

路旁屍以被覆之而去夜夢女子告之曰君今此去

登金榜雨打無聲鼓子花不知所謂及廷對風吹不

動鈴兒草福清林誌不知所指鐸應聲曰雨打無聲

鼓子花乃置鐸第一抑誌第二

虎耳草 各屬皆產形似虎耳好生溼地治聾耳搗汁滴之痔瘡腫痛者陰乾燒煙桶中薰之

避煙草 水草也產甯福葉似石菖蒲根如麥冬三山志戒火草人家用瓦盆植之以警火蒼按避煙草文人燈下觀書云可避煙或呼芸草

虎杖草 三山志爾雅曰似紅草而大可染赤煎以為飲如琥珀按虎杖高四五尺三月生苗莖如竹筍狀上有赤斑點葉似杏七月開花如菊花色如桃其枝

似柳性溫味微苦村人加甘草煎為飲

噓噓草 莖弱小葉刻缺以氣噓而食之味酸按本草

有酢漿草李時珍曰此小草三葉酸也其味如酸與
燈籠草之酸漿名同物異閩人鄭樵通志言福人謂
之孫施則蘇頌圖經赤孫施生福州葉如浮萍者即
此也孫施亦酸三山志赤孫施一名歲寒漿一名酸
漿

螺髻草 亦名鏡面草各屬多產蔓生石上狀如螺髻

微帶赤色而光如鏡背有少毛和琉黃末擦疥瘡陳

日華經驗方云年二十六忽病小便後出鮮血數點而不疼如是一月飲酒則甚市醫張康以草藥汁一器入少蜜水進兩服而愈求其方乃鏡面草也

獨掃草

三山志爾雅曰馬帚注云可以帚

兔草

即苦蕒莖直而中空三四月起臺開花其花有

黃白二種莖葉幼軟出白乳兔食之故名各志多以

苦蕒為雲臺菜按各菜種而始生者為蔬不種自生

而可蔬者為野菜雲臺即油菜不種不生他書又以

苦蕒為詩采芑之芑按芑西北呼苦藪又呼銀針葉

青莖白亦有汁本草蠶蛾出時近之則青爛蠶婦亦

忌食亦指苦藪非苦蕒也

按藪應作藪

仙草 產邵屬可煮汁和米作凍閩各郡鄉人暑天有所謂插茶以米和茶葉生薑每於三味之外加一藥品以瓦盆用木槌搗極細以滾水合之以待客

蘼草 丹鉛總錄月令蘼草死注云薺萑葶藶之屬董仲舒曰葶藶枯於仲夏款冬華於嚴霜淮南子注云薺水菜冬水而生夏土而死又其枝葉細碎謂之蘼草瑯邪代醉編月令蘼草死呂氏春秋云孟夏之昔

殺三葉而穫大麥注昔終也三葉薺芎葶蒨莫實也
見三葉死則大麥可穫矣月令本出自呂氏即以其
書解之為宜蒼按殺三葉是以三葉為薺草今池沼
砌石之處有三葉細草冬末發生孃娜繁盛開黃色
細花入夏即枯宿根藏石罅中來冬復榮又何必強
以薺芎葶蒨莫實之

蓮草 產福甯一名通脫木三山慈葉似蓴麻中虛有
輓白可為輕花

翠草 即翠芸草產延邵背日處種之連編而生色如

翠羽尤宜與秋海棠並蒔

蕨萋 卽香萋 五葉藤 藤生每莖五葉 鋪香叢生葉似

五葉藤暑天長夫

闕稱長行之
地子為長夫

摘置肚臍云可避暑

瓊田 三山志春生苗葉無花三月採根葉焙乾土人

用治風燈心生澤地叢生莖圓細而長直人以為席

紫背 三山志解一切蛇毒

芙蓉 卉屬高尺許葉似側柏而淺碧味香村婦以飾

髻

木蓮 一本草云緣樹而生三四十年漸大枝葉繁茂葉

長二三寸厚若石韋生子似蓮房打破有白汁停久
如漆中有細子一年一熟子亦入藥採無時又云木
蓮即薜荔治背癰乾末服之下痢即愈主風血蒼按
木蓮即木饅頭邵武呼彭蓬藤無花而實大如杯畧
似蓮房本草以為其子兒童食之兒童食者乃木蓮
詳木屬

石垂 圖經本草石垂生福州山中三月花四月採子
生搗為末丸服蒼按三山志所載石益生山中子治
蠱毒者是也又按石垂本直其葉對生凡有蛇蠍毒

陸產金異 卷四
蟲之地必產解毒之草閩永安之毒蟲殺人而役其
鬼不知何以死猶聽令蒼遊永安每帶李餅羊桃以
為可避蠱毒又於下店時密以雨傘倒放僻處有蠱
鬼者瞬即正置

芋蓉 葉似蘭菁而瘦其根即茅根入藥

火欵 三山志春生苗葉似紫蘇大而尖長白花州人
呼其葉為火欵草按火欵即菟蔚詩中谷有蕪之蕪
爾雅蕪推注云今菟蔚也即益母按豨薟草亦名火
欵草

雞項 葉紅花葉上刺青色亦名千針草根似蘿葡枝
條直上三四月苗上生紫花八月葉凋十月採根又
雞腸 一名繁縷菜似苜蓿而小其莖梗作蔓斷之有
綠縷細而中虛似雞腸因名俱見三山志

雞腸 產福州俗呼蓮子草根似柳而光澤莖似馬齒
莧花細而白實如小蓮房可以止血或呼斷血草其
莖摘之有汁出須臾而黑故古方烏髭鬚多用之

鼠麴 俗呼水菹生平岡熟地葉有白毛黃花雜米作
糗蒸食能壓時氣

羅勒 或呼蘭草摘生葉數片作椒料芬香可口產建

屬

苕萋 各郡皆產藤生葉類薯夏開細花作穗淡紅色
花不結實其實別生於莖葉間形如勃薺皮黑色有
圓點而微凹八九月熟邵武汀州采煮食之或并根
食之福州婦人頭痛切片貼太陽穴

萋 產晉江即荖葉又名萋藤包檳榔葉也萋生味辛
李時珍曰其萋葉名扶留藤一作扶擋一作浮留萋
一解其義萋則留字之誤蒼按本草所稱蒟醬即萋實

芫葉似苕萁大而光潤其實黑色亦似苕萁綴於葉
下萁葉市者論斤畏霜雪貴時每斤一二銖福興泉
漳及臺灣澎湖人有日非數百口不能過癮者灰萁
椰子皆破劑久之腸未斷而齒已黑惟終身無牙
痛之患

葉大叢生莖短有節折其莖以上壅之輒生葉如
蓼而圓者曰蓼藍葉小者曰槐藍互見貨屬澱條下
帶土犁之可以糞田為利最溥

芫 三山志生泥浦中葉似蒲葦人縛為薦謂之菰又

有白色者其根可食謂之艾鬱子中有黑點歲久生
白臺如小兒臂謂之艾干

菠 產福州葉似野艾而幹矮清明取其汁作粿名菠
菠粿野艾葉似菠而幹高端午採之與蒲並用

惹 各屬皆產似茅皮可為繩索履屨莖穗夾竹為帚
葛 蔓生山谷長二十步搥以織布又一種葉似葡萄
根如長臂搥為葛粉色粉紅扶脾止腸血若入蕨粉
則色淡白詳藥屬百合條下

煙 一名燻草長霜雪種者鋤高町每株置稻草於旁

霜夜掩之勞力甚於耕耘糞壤倍於蔬菜閩中諸郡
縣崇禎初年始種男女喫者父兄不禁廢農就圃米
穀日貴互見貨屬煙葉條下

閩產錄異卷四